

## इफिसियन 6:10-18

10 मतलब इ कि पर्भू में स्थित होइके ओकर असीम सक्ति क साथे अपने आपक सक्तिसाली बनावा। 11 परमेस्सर क सम्पूर्ण कवच क धारण करा ताकि तू राच्छस (दुस्टन) क सबइ योजन क सामने टिक सका। 12 काहेकि हमार संघर्ष मनइयन स नाहीं बा, बल्कि सासकन, अधिकारियन, एक अन्धकार भरा जुग क आकास क सक्तियन अउर अम्बर क दुस्तात्मिक सक्तियन क साथे बा। 13 इही बरे परमेस्सर क सम्पूर्ण कवच क धारण करा ताकि जब बुरा दिन आवइ तउ जउन कछू संभव बा ओका कइ चुकइ क बाद तू दृढतापूर्वक अडिग रहि सका। 14 तउ अपने करिहाउँ पइ सत्य क फेंटा कसिके नेकी क झिलम पहिन क अउर गोड़न में सान्ति क सुसमाचार सुनावइ क तत्परता क पनहीं धारण कइके तू लोग अटल खड़ा रहा। 15 16 इ सबसे बड़ी बात इ बा कि विस्व क ढाल क रूप में लइ ल्या। जेकरे द्वारा तू ओन दुस्टन (सइतान) क समस्त अग्नि बाणन का बुझाई सका, जउन बन्दी क द्वारा छोड़ा गवा अहँ। 17 उद्धार क बरे क सिरस्त्राण पहिन ल्या अउर परमेस्सर क सँदेसा रूपी आतिमा क तलवार उठाइ ल्या। 18 सब तरह क पराथना अउर निवेदन सहित आतिमा क सहायता सब अवसर पर विनती करत रहा। एह लच्छ स सभन प्रकार क यत्न करत सावधान रहा। अउर सभन सन्तन क बरे पराथना करा।

## भजन संहिता 91

1 उ जउन कउनो सवोर्च्य परमेस्सर क सरण में रहत ह, तउ उ सर्वसक्तिमान परमेस्सर क सुरच्छा में रहत ह। 2 मईं यहोवा स कहत हउँ, “तू मोर सुरच्छा स्थल अहा मोर गढ़ा हे परमेस्सर, मईं तोहरे भरोसे हउँ” 3 यहोवा तोहका सबहिं छिपे भए

खतरा स बचाइ। उ तोहका सब खउफनाक विपतियन स बचाइ। 4 तू परमेस्सर क  
 सरण में संरक्षण पावइ बरे जाइ सकत ह। उ तोहार अइसे रक्षा करी जइसे एक ठु  
 पंछी आपन पखना फइलाइके आपन बच्वन क रक्षा करत ह। परमेस्सर क बिस्वास  
 एक बिसाल ढाल क नाई अहइ जउन चारिहुँ कइँती स रक्षा करत ह। 5 राति में  
 तोहका कउनो क भय नाहीं होइ, अउ दुस्मन क बाणन स तू दिन में डेराब्या नाहीं। 6  
 तोहका आँधियारे में आवइवालन रोगन अउ उ खउफनाक रोग स जउन दुपहर में  
 आवत हीं डर नाहीं होइ। 7 तू हजार दुस्मनन क हराइ देब्या। तोहार खुद दाहिना हाथ  
 दस हजार दुस्मनन क हराइ। अउर तोहार दुस्मन तोहका छुड़ तलक नाहीं पइहीं। 8  
 जरा लखा, अउर तोहका देखॉइ देइ कि उ पचे कुटिल मनई सजा पाइ चुका अहइँ। 9  
 काहेकि तू यहोवा क भरोसे अहा। तू परम परमेस्सर क आपन सरणस्थल बनाया ह।  
 10 तोहरे संग कउनो भी बुरी बात नाहीं घटी। कउनो भी रोग तोहरे घर क नजदीक  
 नाहीं आइ। 11 काहेकि परमेस्सर आपन सरणदूतन क तू जहाँ भी जाब्या हुआँ तोहार  
 रक्षा करइ बरे नियुक्त करी। 12 ओकर सरणदूतन तोहका आपन हाथन पइ ऊपर  
 उठइहीं, ताकि तोहार गोड़ चढ़ान स न टकराइ। 13 तू कोबरा अउर नाग पइ बगैर  
 कउनो नोस्कान क चलब्या; तू सेर अउर अजगर क कुचरब्या। 14 यहोवा कहत ह,  
 “मई आपन सेवकन क रक्षा करब जउन मोहसे पिरम करत ह। मई ओनँ व्यक्ति क  
 पालन-पोसन करब जउन मोर उपासना करत ह।” 15 उ सहाय पावइ बरे मोका  
 गोहरइहीं, मई ओनकर जवाब देब। उ पचे जब कस्ट में होइहीं मई ओनके संग रहब।  
 मई ओनकर बचाव करब अउर ओनका आदर देब। 16 मई आपन व्यक्तियन क एक  
 लम्बी उमिर क आसीस देब। अउर मई ओका ओकर आपन बचान क सक्ति दिखाउब।

## भजन संहिता 18

1 उ कहेस, “यहोवा मोर सक्ती अहइ, मई तोहसे पिरम करत हउँ। 2 यहोवा मोर  
 चढ़ान, मोर गढ़, मोर सरणस्थल बाटइ।” मोर परमेस्सर मोर चढ़ान अहइ। मई तोहरी  
 सरण में आवा हउँ। ओकर सक्ती मोका बचावत ह। यहोवा ऊँचके पहाड़न पइ मोर

सरणस्थल अहइ। 3 यहोवा क जउन स्तुति क जोग्य अहइ, मई गोहराउब अउर मई आपन दुस्मनन स बचावा जाब। 4 मोर दुस्मनन मोका मारइ क जतन किहना। मई चारिहुँ कइँती मउत क लसुरी स घिरा अहउँ। मोका अधर्म क बाढ़ भयभीत कइ दिहसा। 5 मोरे चारिहुँ कइँती पाताल क लसुरी रहिना। अउर मोह पइ मउत क फंदा रहेना। 6 मई घेरा भवा रहेउँ अउर यहोवा क मदद बरे गोहराएउँ। मई आपन परमेस्सर क गोहराएउँ। परमेस्सर पवितर मन्दिर में बिराजा। उ मोर पुकार अनकेस अउ मदद किहेसा। 7 तब्बइ भुइँया हल गइ अउ थर्राइ उठी; अउ पहाड़न क नेेँव थर्राइके हल उठिन काहेकि यहोवा बहोतइ कोहान रहा। 8 परमेस्सर क नथुना स धुआँ फूटि पड़ा। परमेस्सर क मुँह स ज्वाला फूटि पड़िन, अउ ओहसे विंगारियन छटक गइना। 9 यहोवा सरगे क चीरिंके खाले उतरा। खूब घना करिआ बादर ओकरे गोड़े तरे रहेना। 10 उ करूब सरगदूत पइ उड़ि गवा अउर हवा क पंख पइ सवार होइके ऊँचे आकास में उड़ि गवा। 11 यहोवा खुद क आँधियारे में छुपाइ लिहस, ओका अकासे क चँदोबा घेरे रहा। उ गरजत बादर क खूब घना घटा-टोप में लुकान भवा रहा। 12 फिन, परमेस्सर क तेज बादर फाड़िके निकरा। बरसा अउ बिजुरियन कौँधिना। 13 यहोवा क उद्घोष नाद अकासे में गूँजा। परम परमेस्सर आपन वाणी क सुनइ दिहसा। फुन अंगारे गिरेन अउ बिजुरियन कौँधिना। 14 यहोवा बाण छोड़ेस अउर दुस्मन बिखराइ गएन। ओकर अनेक बिजुरी क बज्रन ओनका हराइ दिहना। 15 हे यहोवा, तू गरज्या अउ मुँह स आँधी बहाया। पानी पाछे हटिके दब गवा अउ समुद्रे क पानी बगइर तले क देखँाइ लाग, अउर धरती क नेँव तलक उधरि गइ। 16 यहोवा ऊपर अकासे स खाले उतरा अउर मोर रच्छा किहसा। मोका मोरे कस्टन स उबारि लिहसा। 17 मोर सत्रु मोहसे कछूँ जियादा ताकतवर रहेन। उ पचे मोहसे कछूँ जियादा बरिआर रहेन, अउ मोहसे दुस्मनी राखत रहेन। तउ परमेस्सर मोर रच्छा किहसा। 18 जब मई विपत्ति में रहेउँ, मोर दुस्मनन मोह पइ वार किहन मुला तबहिं यहोवा मोका सँभारेस! 19 यहोवा क मोहसे पिरैम रहा, तउ उ मोका बचाएस अउर मोका सुरच्छित ठउरे पइ लइ गवा। 20 यहोवा मोका आपन अच्छाई क अनुसार इनाम देइ। उ मोका मोरे सुद्धता क अनुसार बदल देइ। 21 काहेकि मई यहोवा क आग्या क पालन किहेउँ ह! आपन परमेस्सर यहोवा

बरे मई कउनो भी बुरा काम नाहीं किहेउँ। 22 मई तउ यहोवा क व्यवस्था विधानन क अउ हुकुमन क हमेसा धियान मँ राखत हउँ! 23 खुद क मई ओकरे समन्वा पवितर राखत हउँ अउ अबोध बना रहत हउँ। 24 काहेकि मई अबोध अहउँ! एह बरे मोका मोर पुरस्कार देइ! जइसा परमेस्सर लखत ह कि मई कउनो बुरा काम नाहीं किहेउँ, एह बरे उ मोरे बरे उत्तिम चिजियन करी। 25 हे यहोवा, तू वफ़ादार लोगन क संग वफ़ादार अहा अउ खरे लोगनक संग तू आपन क खरा दिखावत ह। 26 हे यहोवा, तू सुद्ध लोगन क संग सुद्ध अहा, किन्तु तू दुष्ट लोगन स जियादा चालाक अहा। 27 हे यहोवा, तू नम्र जनन बरे सहाय अहा, मुला जेनमाँ अहंकार भरा अहइ ओन मनइयन क तू बड़ा नाहीं बनइ देत्या। 28 उ तू ही अहा जउन मोर दीप बरत ह। हे मोरे परमेस्सर तू मोरे अंधकार क जोति मँ बदल देत अहा! 29 हे यहोवा, तोहरी मदद स, मई फ़उजियन क संग पराइ सकत हउँ। तोहरी ही मदद स, मई दुस्मनन क चहरदीवार फाँद सकत हउँ। 30 परमेस्सर क विधान पवितर अउ उत्तिम अहइ अउ यहोवा क सब्द सच स पूरा होत हीं। उ ओका बचावत ह जउन ओकरे भरोसे अहइँ। 31 यहोवा क छोँड़ि बस अउर कउन परमेस्सर बाटइ? सिरिफ़ हमरे परमेस्सर क अउर कउन चढ़ान अहइ? 32 मोका परमेस्सर सक्ति देत ह। उ मोर रास्ता आसान बनावत ह। 33 परमेस्सर मोरे गोड़न क हिरन क नाईर् तेज चाल देत ह। उ मोका स्थिर बनावत अउर मोका चढ़ानी सिखरन स गिरइ स बचावत ह। 34 परमेस्सर जुद्ध बरे मोरे बाँहन क प्रसिच्छित करत ह, एह बरे मई बहोत सक्तीसाली धनुसक मोड़ सकत हउँ अउ तीर छोड़ सकत हउँ। 35 हे परमेस्सर, आपन ढार स मोर रच्छा करा। तू मोका आपन दाहिन भुजा स आपन महान सक्ती प्रदान कइके मदद द्या। 36 हे परमेस्सर, तू मोरे गोड़े क अउर टखना क मजबूत बनावा ताकि मई तेज होइके बगइर लड़खड़ाहट क बढ़ चलउँ। 37 फुन आपन दुस्मनन क पाछा करउँ, अउ ओनका धइ सकउँ। ओनमाँ स एक क भी बच पावइ देउँ। 38 मई आपन दुस्मनन क हराउबा। ओनमाँ स एक भी फुन ठाड़ नाहीं होइ। मोर सबहिं दुस्मन मोरे गोड़वा प गिरि जइहीं। 39 हे परमेस्सर, तू मोका जुद्ध मँ सक्ती दिहा, अउर मोरे सब दुस्मनन क मोरे

समन्वा निहुराइ दिहा। 40 तू मोरे दुस्मनन क पीठ मोरी कइँती फेरि दिहा, ताकि मई ओनका काटि डावउँ जउन मोसे जलन राखत हीं। 41 जब मोर दुस्मनन मदद क गोहार लगाएन, ओनका मदद देइ अगवा कउनो नाहीं आवा। हिआँ तलक कि उ पचे यहोवा तलक क पुकारेन, मुला यहोवा स ओनका जवाब न मिला। 42 मई आपन दुस्मनन क कूट कूट कइ धूरे मँ मिलइ देबउँ, जेका ब्यार उड़ाइ देत हा मई ओनका कुचर दिहेउँ अउर माटी मँ मिलाइ दिहेउँ। 43 मोका ओनसे बचाइ ल्या जउन मोसे जुद्ध करत हीं। मोका ओन जातियन क मुखिया बनाइ द्या, जेनका मई जानत तलक नाहीं हउँ ताकि उ पचे मोर सेवा करिहीं। 44 फिन उ सबइ लोग मोर सुनिहीं अउर मोरे हुकुमन क मनिहीं, दूसर रास्ट्रन क लोग मोसे डेरइहीं। 45 उ पचे विदेसी लोग मोरे समन्वा निहुरिहीं काहेकि उ पचे मोसे भयमीत होइहीं। उ पचे भय स थरत भए आपन छुपा ठउरन स बाहेर निकारि अइहीं। 46 यहोवा सजीव अहइ! मई आपन चहान क जस गीत गावत हउँ। मोर महान परमेस्सर मोर रच्छा करत हा। 47 धन्न बाटइ, मोर पटक देइवाला परमेस्सर जउन देस-देस क मनइयन क मोरे बस मँ कइ दिहस हा। 48 यहोवा, तू मोका मोरे दुस्मनन स छोड़ाया हा तू मोर मदद किहा ताकि मई ओन लोगन क हराइ सकउँ जउन मोरे खिलाफ खड़ा भएन। तू मोका कठोर मनइयन स बचाया हा। 49 हे यहोवा, इहइ कारण मई देसन क बीच तोहार स्तुति करत हउँ। इहइ कारण मई तोहरे नाउँ क भजन गावत हउँ। 50 यहोवा आपन राजा क मदद बहोत स जुद्धन क जीतइ मँ करत हा। उ आपन सच्चा पियेस, आपन चुने भए राजा पइ देखौवत हा। उ दाऊद अउ ओकरे संताने बरे सदा बिस्वास क जोग्न रही।

Pastor T. John Franklin  
Church of Salvation, Healing, and Deliverance  
COS-HAD.org